



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Dubium II. Quæ requirantur ad valorem profeßionis Religiosæ.

**urn:nbn:de:hbz:466:1-42600**

utì si ob crimen fuisset inhabilis ad ferendum testimoniū, habilitatur per Religiosum statum.

6. Extinctio notæ ingratitudinis, ob quam priùs contractam à patre exhæredari potuisset vel privari legitimā:

10

7. Irritatio Matrimonii subsequentis, & etiam antecedentis, si sit tantūm ratum & non consummatum.

11

Qui volet multa particularia de Religiosis, consulat *Suar.* de Relig. T. 4., ubi tr. 9. l. 2. agit de Religione *S. Basili*, *S. Benedicti*, *Carthusiensium*, *S. Hieronymi*, *Prædicatorum Minorum*, *Augustinianorum*, *Carmelitarum*. De iisdem, uti & de *Bri-gittanis* habet *Loth* tr. 7. De *Iesuitis* *Suar.* tr. 10. *Loth* suprà. De *Beginis*, *Canoneſſis*, *Devoteſſis*, *Loth* tr. 8. Et de *Canoneſſis* aliqua dicemus à n. 229. De *Monialibus* agit *Loth* tr. 23. De variis *Confraternatibus*, *Loth* tr. 22. De *Exemptis & Iurisdictio-ne Episcopi* circa exemptos, agunt *Chok.* de *Jurisd.* *Ordin.* *Sanch.* in *conf. l. 6. c. 9. d. 1.* & seqq. *Lugo* in *resp. Mor. l. 5. d. 20. 24. 25.* *Diana* p. 8. t 7. R. 5. De *privilegiis & juribus Monasteriorum*, *Engel* in *speciali tract.* post *Jus Canonicum Salisburgi* im-preſſum anno 1688. Item *Alviset* de *privileg. Ord.* *Regul.* *Pelliz.* *A. Tamb.* & alii paſſim. Denique cuius auctoritate erigi possint vel transferri Con-ventus aut Monasteria, & sub quibus conditionibus, videri possunt citati apud *Leur.* p. 1. q. 43.

12

*D U B I U M II.*

*Quæ requirantur ad valorem Professionis  
Religioſæ.*

**R**Eſp. Ad valorem ejus, tres requiruntur condi-tiones: I. Est qualitas, seu aptitudo voventis,

A 4

scilicet,

“scilicet, ut juxta Trid sess. 25. c. 15. de Regula-  
“ribus, decimum sextum ætatis annum expleverit,  
“annumque integrum cum Religioso habitu steterit  
“in probatione, nullumque habeat impedimen-  
“tum, quod per statuta à Pontifice confirmata, in  
“isto Ordine substantiale esse censeatur. Azor. 10.  
“1. l. 12. c. 2. q. 6. & 7 Rodriq. 10. 2. c. 6.

“II. Conditio, consensus & acceptatio expressa  
“vel tacita Prælati Ordinis: per hanc enim Religio-  
“ni incorporari debet. Idque ordinariè, non tantum  
“cum consilio, sed etiam cum consensu Capituli, aut  
“certè majoris aut principalioris partis; secun-  
“dum circumscircumque Ordinis statuta. Nav. Less. l. 2.  
“c. 41. q. 7.

“III. Ut professio sponte facta sit, non cogente  
“gravi metu, qualis esset incarceratio, alimentorum  
“subtractio, èò quod in professionem consentire  
“noluerit; itemque metus reverentialis, non qui-  
“dem se solo, sed accidente precum, blanditiarum, &  
“imperii, sèpius repetitâ importunitate, aut gravi  
“offensione aut diu continuatâ indignatione con-  
“sanguineorum; adjunctis etiam minis de subsidiis  
“negandis, si ex Religione egrediatur: hæc enim,  
“vel singula, vel certè simul, consideratâ conditione  
“hominis rudis, timidi, &c. metum justum incutere  
“possunt, & professionem irritare, ut docet. Lay. cum  
“aliis l. 4. tr. 5. c. 5. n. 6. Less. dub. 7. Unde resolvuntur  
“sequentes Casus:

“I. Is, qui professionem irritam edidit ex defe-  
“ctu alicujus conditionis ex jam dictis, nisi eam post-  
“modum tacite vel expressè ratificaverit, egredi Re-  
“ligione, & uxorem ducere potest: licet ob evita-  
“tionem scandali, causam egressus dicere debeat: &  
“si ad forum externum causa deveniat, defectum pro-  
“fessionis probare; idque intra quinquennium à die  
profes-

*De Statu Religioso.*

professionis: post illud enim non auditur , juxta<sup>9</sup>  
*Trid.c.19. sess. eadem.* Quia præsumitur eam in-<sup>10</sup>  
terea ratificasse.

II. Quod si tamen sciret, illam juris præsumptio-<sup>11</sup>  
nem fallam esse, eò quod vel ignorans impedimen-<sup>12</sup>  
tum, vel metu gravi, aliave justâ causâ impeditus,<sup>13</sup>  
reclamare intra quinquennium non potuerit; vel<sup>14</sup>  
impedimentum sit essentiale ac perpetuum , aut<sup>15</sup>  
saltem ultra quinquennium dureret, eo elapso potest<sup>16</sup>  
reclamare, debetque audiri in judicio , saltem ex-<sup>17</sup>  
traordinario, vel in integrum restitui , ut contra<sup>18</sup>  
*Bon.10.1.de claus.q.2.p.10. diffic. 4. docet Nav.*<sup>19</sup>  
*Sanch.de matr.i.7.d.37.n.22.Less.d.7.Azor c. 4.*<sup>20</sup>  
*q ult.Dia.p.3.t.2.R.53.Barbosa in Trid.sess.25.c.*<sup>21</sup>  
*19.n.3. ubi plures alios citat: & nisi aliud quid im-*<sup>22</sup>  
*peditat, fugere potest, ut docet Lay. n. 7. Qui ad-*<sup>23</sup>  
*dit, quod si fuga sine gravi scandalo vel incommo-*<sup>24</sup>  
*do tentari non posset, monendum à Confessario, ut*<sup>25</sup>  
*professionem tacite ratificet: quod fieri, si professo-*<sup>26</sup>  
*rum habitum proprium deferat, actusque iis pro-*<sup>27</sup>  
*prios exerceat, cum intentione, quod professus talis*<sup>28</sup>  
*Ordinis esse velit. v. Aut.cit.& Dia p.8.t.7.R.51.*<sup>29</sup>  
*ubi ex Trid cap. 19. probat, Episcopum de nulli-*<sup>30</sup>  
*tate professionis, sine interventione Superioris Re-*<sup>31</sup>  
*gularis sententiam ferre non posse, & si faciat, fore*<sup>32</sup>  
*nullam.*

*A D D E N D A.*

**Q.** 3. *An nunquam possit emitti professio ante* <sup>13</sup>  
*statutum vel novitiatum prærequisitum. R.*

§. I. Etiam si tantum sex horæ decessent ætati, pro-  
fessio est invalida , uti ex declaratione S. Congreg.  
docet cum aliis *Diana p. 5. t. 5. R. 18.*, attendi enim  
debet ad momentum , hinc cum *Mol. Sanch.Diana,*

*Leff. Barb. de potest: Epis. alleg. 101. n. 22. dicendum est contra Silv. Henrig. Ricc., si quis natus vel admissus 24. Febr., postea anno bissextili compleat ætatem vel novitiatum, non posse profiteri nisi in die 25., post tempus, quo natus vel vestitus erat, quia hi duo dies censentur pro uno, uti habetur L. 3. §. 3. ff. de minoribus, &c. Quæsivit, de verb. signif., & pluribus deducit Lugo de just. d. 22. à n. 311. Ratio autem est, quia dies illa intercalaris adhuc addit partem temporis necessariam ad constituendos annos vel annum præreqnisitum, etiam more Ecclesiastico consideratum. Attamen extra annum bissextilem putarem contra Lugonem n. 312. sufficere dies 365., nec necessario expectari debere alias sex horas, quia absque his est annus completus, non quidem Mathematicè, attamen Ecclesiasticè: refertque Pelliz. tr. 2. c. 1. n. 36., cum anno 1582. in correctione Gregoriana Calendarii dubitatum esset, an pro eo anno complendo adjiciendi essent illi 10. dies, qui hactenus defuerant, negatum esse, eò quod annus sine eis esset civiliter & politicè completus.*

14     §. II. Quamvis professurus in Societate JESU debeat compleuisse annum 32., si tamen, sive per fraudem sive per errorem, aliquis maturius profiteatur, professio est valida, & professo competitum à die professionis omnia, quæ aliis, quia nec est impedimentum essentiale, nec Societas illi defectui addidit aliquid irritans, *Lugo* in resp. Mor. l. 4. d. 21.

15     §. III. Si quis in Societate JESU ermittat professionem ante diem à Generali designatum, professio videtur invalida, quia Generalis non videtur voluntate acceptare, nisi designato tempore: censetur tamen ex voluntate illius fieri valida adveniente die designato, si permaneat voluntas illius, qui professus est, *Lugo* dub. 13.

§. IV.

§. IV. Ex privilegio Pii V. apud Barb. n. 33. 16  
 potuerunt Novitiæ Ordinis S. Dominici intra no-  
 vitiatum ex judicio Medici morituræ emittere pro-  
 fessionem ante expletum novitiatum; quod revo-  
 catum esse per Greg. XIII. docent Sa, Crux Vechis,  
 sed adhuc perdurare dicunt Henr. Rodriq. Lez.  
*Diana Miranda, Sanch. Beja & alii.*

§. V. Pœnitentes ac Conventitiæ, de quibus lo-  
 quitor Trid. Ses. 25. c. 18. de Regul., possunt face-  
 re professionem ante expletum novitiatum, uti de-  
 claravit S. Congreg. apud Barb. n. 34, quia Trid.  
 præservat earum Constitutiones, habuerunt autem  
 id privilegium, ut eoipso, quod ingrederentur Mo-  
 nasterium, possent admitti ad professionem.

Q. 4. Quid circa interruptionem novitiatus sit  
 notandum. R. seqq. 18

§. I. Si Caius dimissione obtentâ dimiserit etiam  
 habitum & animum manendi in Religione, sed nocte  
 illâ adhuc dormiens in Monasterio, pœnitentiâ du-  
 ctus iterum admitti petat & obtineat ac resumat al-  
 tero die manè habitum, Less. in auct. v. profess. Relig. cas. 3. putat probabile esse, quod novitiatus non  
 debeat censeri interruptus, quia hoc tempus fuit par-  
 vum, & in hac materia videtur dari parvitas, uti plu-  
 res tenent apud *Dianam* p. 5. t. 5. R. 19., sed probabi-  
 lius est cum *Nay. Suar.* de Relig. T. 3. l. 7. c. 1. n. 32.  
*Sanch.* in Dec. l. 5. c. 4. n. 20. & 32. *Cestrop.* t. 16. d.  
 I. p. 12. §. 2. n. 2. *Lugo* in resp. mor. l. 4. d 2. n. 1.  
*Less.* cas. 8. n. 22. esse interruptum, adeoque non pos-  
 se validè profiteri, nisi iterum inchoet & compleat  
 annum novitiatus; quod putant valere, etiam si per  
 unicam horam facta esset interruptio, quia requiri-  
 tur continuitas temporis annui, uti late probant  
*Suar.* n. 2. *Sanch.* n. 30. *Luga* l. 3. d. 2. n. 3. *Less.* de  
 just. l. 2. c. 41. n. 59., refertque pro hac sententia plu-  
 rimos

rimos Barb. de potest. Epis. alleg. 101. n. 23. , quia nempe sic optimè exploratur disciplina & austeras Ordinis, deinde debet etiam tulisse habitum per annum continuum, uti ex Trid. colligunt A. z. Rodriq. Sanch. aliique cum Barb. n. 29., deest autem continuitas , nam isto intermedio tempore non poterat censeri novitus illius Ordinis. Nec obstat, quod interruptio fuerit brevis , nam adhuc deficit continuitas, quæ erat de essentia, uti recte Suar. n. 6. Sanch. n. 32. Castrop. n. 4. , debetque etiam hoc tempus totum absolvī de momento ad momentum , inquit Diana p. 3. t. 2. R. 57. & p. 9. t. 9. R. 67. Et quamvis Less. in auct. suprà cas. 3. innuat probabile esse , & de just. suprà absolute dicat credere se, quod non impedit paucorum dierum interpolatio , sed suppleri possit, postea addendo tempus factæ interruptionis, tamen oppositum videtur tenendum , quia per hoc non redit continuitas: unde additio talis temporis tantum posset juvare, si v. g. post inceptum noviciatum prius complevisset ætatem requisitam , uti multis relatis docet Sanch. de matr. l. 7. d. 37. n. 50.

19

§. II. Ut Cajus ita dimissus possit iterum incipere noviciatum, debent illi , ad quos spectat, iterum admisso ipsum, quia sic dimissus habuit se , ac si nunquam fuisse admissus, Suar. & alii cum Lugo n. 9.

20

§. III. Si Cajus non fuerit dimissus, quamvis dimisso habitu & animo manendi latuerit in Monasterio, expectans occasionem egrediendi , Suar. & Castrop. n. 7. recte dicunt contra Diana m suprà, non esse factam interruptionem ; uti nec tum, si Superior indutum veste sæculari voluisset cras prius dimittere, in his enim casibus censetur adhuc mansisse in Ordine, cum non fuerit voluntate Superiorum dimissus, & saltē per hoc non censetur esse plena interruptio, nisi fuerit completa simul per actualem egressum.

§. IV.

§. IV. Si novitia apud Moniales etiam ad clausuram obligatas ob infirmitatem vel aliam causam necessariam debeat ad tempus remitti ad paternas xdes, potest hic cum facultate Prælati continuare suum noviciatum, *Suar.* T. 3. l. 5. c. 14. n. 13. dicens esse decisum à S. Congreg., *Sanch.* in Dec. l. 5. c. 4. n. 28. *Pelliz.* tr. 10. c. 2. n. 48.

Q. 5. Si quis absolute noviciatu dimittatur, & postmodum iterum admittatur, an repetere debeat noviciatum. R. Negant *Sanch.* in Dec. l. 5. c. 4. n. 34. aliquie cum *Lez.* T. 4. v. *professio* n. 10., quia à *Trid.* plus non requiritur, quam ut præcesserit noviciatus, in quo probarit Ordinem & ab Ordine sit probatus, quod hic factum est: è contrà debere repetere putant *Suar.* & *Castrrop.* t. 16. d. 1. p. 12. §. 2. n. 10., tum quia prior probatio videtur esse extincta per egressum, tum etiam quia multi censent annum probationis debere sic esse continuum, ut duret usque ad professionem, quamvis contradicant *Ang.* *Silv.* *Rodrig.* & alii apud *Barb.* de potest. *Epis.* alleg. 201. n. 23. & 28.; sed saltem vera est secunda sententia, inquit *Lugo* in resp. mor. l. 4. d. 1., si quis in Societate J E S U post noviciatum & vota simplicia dimissus fuerit, iterumque admittatur, quia tum primus noviciatus habuit suum effectum, nempe admissionem ad vota, ergo pro nova admissione ad nova vota prærequiritur nova probatio, quod pluribus confirmat *Lugo* ibidem, quamvis cum tali sèpe congruum sit dispensari post primum annum repetiti noviciatus.

Q. 6. Quid præterea sit notandum circa voluntatem vel invaliditatem, & revalidationem professionis. R. seqq.

§. I. Si hermophroditus, in quo uterque sexus erat aequalis, fecerit professionem, *Sanch.* de Matr. l. 7. d. 106. docet hanc esse nullam, cum enim sit gravis indecen-

indecentia & periculum gravium abusuum, credendum est Ecclesiam non admittere talem professionem, aut antecedenter velle talem hominem esse incapacem.

24 §. II. Si Titio post professionem certò innoscat, quod non fuerit rectè baptizatus, potest egredi, quia nulla Religio intendit recipere quenquam nisi Christianum & Ecclesiæ subjectum: si autem esset tantum dubium de valore baptismi, & ideo sub conditione rebaptizaretur, deberet in Religione permanere, tum quia Religio est in possessione illius, à qua desici non debet per solum dubium superveniens, tum etiam, quia in dubio standum est pro valore acutus, donec constet oppositum, uti habent Menoch. 16. præsumpt. 4. Tuscb. v. præsumptio, concl. 620. Hinc videtur dicendum, quod teneatur votis Religionis, aut saltem teneatur nunc ratificare professionem, quia Religio, in qua alitur, jure id postulat ab eo, Quintanadv. Gob. in Exp. t. 2. n. 461., qui addit ex Gallem. ad Trid. Ses. 25. c. 16. de Regul., quod S. Congreg. 10. Decembr. 1588. resolverit professionem ad majorem cautelam debere iterum emitti expectato alio anno novitiatus, è contrà Sylvius v. baptismus cas. 3. dicit resolutum esse, ut iterum emitat professionem non exspectato alio anno novitiatus, quod etiam videtur verisimilius, docetque Suar. de Relig. t. 3. l. 7. c. 1 n. 8. allegans etiam hanc declarationem; hinc infert Sylv. etiam debere censeri professum à tempore professionis primò emissæ, quia ipsi favet possessio. Videri potest Suar. toto c. 1 & 2.

25 §. III. Statuerat Sixtus V., ut invalida esset professio quorundam criminorum; item illius, de cuius vita, moribus, aetate non esset capta informatio, sed Clemens VIII. restituit ejusmodi professioni

fectioni valorem, relictis tantum pœnis aliis contra Superiorum, qui criminatos aut non præmisisis informationibus aliquos admisissent ad professionem, uti refert *Lugo* in resp. Mor. l. 3. dub. 1.

§. IV. Si quis professurus & interrogatus tacuerit <sup>26</sup> crimen, quo manifesto fuisset rejectus, peccavit graviter, si inde possit redundare grave incommodum in Religionem, quia videtur esse contractus mutuus, in quo saltem quoad accidentia committitur gravis fraus: imo si Superiorum fuerint animo ita comparati, ut nollent admittere ad professionem, si tali crimen notatus esset, professio foret invalida: è contraria si simpliciter consenserunt, & reticentia illa parum aut nihil nocere possit Religioni, *Lugo* suprà putat adhuc non omnino excusandum esse talē dolum, & communiter saltem aderit mendacium.

§. V. Quamvis in statutis alicujus Ordinis dicatur, Ordinem non obligari retinere aliquem, qui in examinæ reticuerit certum aliquem defectum, id tamen videtur intelligendum tantum pro tempore novitiatis vel ante professionem, hinc si profiteatur etiam malâ fide, non ideo professio est invalida, *Less* in auct. v. *Professio Religiosa* cas. 9. Si autem quis profiteatur cum defectu alicujus ordinariè prærequisiti, v.g. si examinatores Titium Societatis J E S U Scholasticum excluderant à professione ob defectum scientiæ, & Generalis nec excluderit nec positivè admiserit, attamen per errorem Secretarii relatus sit inter professuros, sique profiteatur, putat *Lugo* l. 4. d. 43. professionem esse validam, quia videtur esse error tantum in qualitate, cum certum sit Generalem posse etiam indoctum admittere ad professionem; sed oppositum videtur probabilius, nam mens Generalis præsumitur semper esse, quod addittat suppositis supponendis, quæ hic non sunt:  
recte

recte tamen addit *Lugo* esse causam, cur Generalis cum Titio dispenset & suppleat, dummodo Titius remaneat in voluntate profundi.

28 §. VI. Si Titio facta sit spes officii, & ideo in certo Monasterio profiteatur, postea autem officium illud non obtineat, quamvis intenderit officium tanquam finem principalem, professio est valida, nec potest egredi, quia absolutè professus est, licet per accidens finem indifferentem adjunxerit: imò non obstaret, licet ex fine malo esset professus, sic enim, si quis motus vanâ gloriâ voveat dare eleemosynam, tenetur darè, non quidem ex vana gloria, sed ex alio fine silem indifferentem: imò quamvis sit professus ita intendendo illud officium, ut, si scivisset se non obtenturum non fuisset professus, adhuc vallet professio, quia officium erat tantùm conditio, sine qua non fuisset facta professio, jam autem facta est absolute: si tamen non intendisset se obligare, nisi obtineret illud officium, peccasset mortaliter decipiendo Religionem & agendo contra morem debitum, essetque professio conditionata, adeoque non impleta conditione non obligaret, sed posset egredi, *Less. v. Religiosus cas. 7.*

29 §. VII. Si quis invalidè professus non reclamarit intra quinquennium, produixeritque causas coram Superiore suo & Ordinario, uti habet *Trid. Ses. 25. c. 19. de Regul.*; attamen etiam non ratificarit professionem; quamdiu non potest se expedire ab Ordine, gaudet privilegiis & potest absolvī, uti alii religiosi, quia præsumitur esse talis, donec contrarium per sententiam declaretur, quæ præsumptio sufficit ad jurisdictionem; possetque ad Ordines & Superioratum promoveri, nisi expressè reclamaret & diceret se ratificare non velle, tum enim tantùm posset permitti in usu Ordinis recepti, non autem i*promo-*

promoveri ad alium; *Sanch.* de Matr. l. 7. d. 37. q. 5. est enim sacerdotalis, & eget dimissorialibus, item titulo patrimonii vel beneficii; nec posset ferre suffragium in Capitulo, nec acceptare munus Superioris, quantum declinari posset sine scandalo & infamia; similiter non posset absolviri a reservatis per Confessarium Ordinis, nisi eo modo, quo aliis sacerdotiis, quia desiisset presumptio, ac consequenter jurisdictione, *Leff.* v. *Prof. Relig.* cas. 18.

§. VIII. Quamvis Titius putans se validè esse professum postea saepius renovaverit priora vota, non ideo censetur illa ratificasse, quia non voluit plus circa illa facere, quam initio fecerat, *Leff.* cas. 10. *Lugo* dub. 2. n. 4. *Castrop.* t. 16. d. 2. p. 5. n. 3. Si tamen sciverit vel dubitarit, an prior actus non fuisset invalidus, aut expressè intenderit actum validum ponere, si forte antea non posuisset, tum ratificasset. *Leff.* cas. 18. aliquique cum *Castrop.* suprà.

§. IX. Si Titius resciens se invalidè professum velit in Religione manere, *Castrop.* suprà docet requiri, ut Superiores de novo consentiant, adeoque ut manifestet priorem nullitatem, sed *Suar.* t. 3. l. 7. c. 1. n. 35. *Leff.* cas. 5. & 6: item cas. 15. n. 42. *Sanch.* in Dec. l. 7. c. 5. n. 81. *Lugo* dub. 2. n. 5. & 6. item dub. 16. n. 8. probabilius dicunt non teneri manifestare nullitatem suæ professionis vel petere novum Superioris aut conventus consensum, quamdiu prior non est revocatus, adeoque satis esse, si professionem ratificet omnino secretè, quod colligitur ex *Trid.* Ses. 25. c. 19, de Regul., ubi non vult audiri eum, qui intra quinquennium non reclamavit, quia nempe presumitur tacita ratificatio, ergo hæc est sufficiens ad revalidationem professionis, & Papa supplet renovationem consensus Religionis. si expressè non contradixerit, uti tenent *Leff.* de just. l. 2. c. 41. n. 66. & *Sanch.* de

Matr. l. 7. d. 37. n. 64. Putant autem aliqui cum *Castrop.* n. 5. ad hoc prærequiri etiam delationem habitus saltem per quinquennium, sed probabilitis tenet oppositum *Less.* cum aliis, quia gestatio habitus per annum post novitiatum facit præsumi profsum.

32. §. X. Quamvis secundum jam dicta ad revalidationem professionis aliquando sufficiat consensus à solo profidente renovatus, tamen si etiam ex parte Religionis positus sit consensus etiam aliunde invalidus, etiam ex hac parte requiretur revalidatio consensus, cùm enim prior consensus fuerit nullus, quamvis virtualiter permaneret, adhuc esset nullus, quia quod ab initio est invalidum, tractu temporis non convalescit, nisi superveniat aliquid faciens illud convalescere, quod hinc non esset, uti suppono, *Suar.* n. 20. *Sanch.* n. 63. *Lugo dub.* 21. n. 6.

33. §. XI. Si professio fuit invalida, quia novitiatum non compleverat, vel quia illum interruperat, certum esse putant *Castrop.* n. 6. & alii apud *Lugo dub.* 2. n. 8. & 9., quod reiterari debeat novitiatus, adeoque nullitas sit manifestanda Superioribus, quia secundum dicta n. 13. jura invalidant professionem sine prævio novitiatu factam, in hoc autem casu non præcessit novitiatus. Si autem novitiatu integrè absoluto professio aliunde sit invalida, *Nev.* *Suar.* n. 34. aliique n. 22. relati dicunt esse probabilius, quod requiratur novus novitiatus; alii cum *Castrop.* n. 7. negant, cùm re ipsa sit probatus, & ipse etiam probavit statum: in *Less.* supra & *Sanch.* n. 64. dicunt etiam id probabiliter verum esse, licet fuerit defectus completi novitiatus, quia censetur postea supplere vivendo in Religione, sed contradicit *Suar.* n. 30., eo quod, si putetur esse professus, non censetur amplius probari, ideoque dici non possit suppleri tempus deficiens, vide dicta n. 22.

§. XII.

§. XII. Si Titius sit invalidè professus, quia ne- 34  
scivit requiri talem ætatem, vel putavit se eam ha-  
bere, non potest ideo ejici; & videtur esse contra ju-  
stitiam, si ideo ejiciatur, quia redditur infamis absque  
sua culpa, *Leß.* in auct. v. *Prof. Relig.* cas. 6. n. 14.;  
Si tamen tunc tale quid in eo advertatur, ob quod ex  
noviciatu dimitti posset, poterit etiam nunc dimitti,  
*Nec iurat,* si vellet ratificare professionem, *quia* ubi  
voluntas Superioris est contraria, professio est inva-  
lida nec Ecclesia supplet consensum: quod si tamen  
quinquennium effluxisset, dimitti non posset, quia  
præsumeretur ratificasse ante contradictionem Super-  
riorum, & Ecclesia tum supplet.

§. XIII. Si invalidè professus ita tacitè ratificet 35  
professionem, potest gaudere privilegiis omnibus,  
quæ habent antiqui præ junioribus, quia in foro  
externo censeri debet professus ab eo tempore, quo  
professionem primam fecerat, quamvis invalidam,  
*Castrrop.* n. 10. Et quod possit eligi in Prałatum, di-  
cit probabile esse *Suar.* n. 37., si defectus professionis  
manferit ac sit ita occultus, ut de illo non possit con-  
stare in foro Ecclesiæ, est enim re ipsa professus, & ta-  
lis in foro externo habetur à tempore, quo primò  
emisit.

§. XIV. Qui ignorans, est invalidè professus, 36  
acquirit sibi & non Monasterio, quod interea acqui-  
rit, quia mansit capax dominii acquirendi, nec fuit  
Monasterio subditus. *Neque refert,* quod putarit se  
acquirere Monasterio, *nam erat error in substantia,*  
qui impediebat valorem consensūs, *Leß.* cas. 6. & 7.,  
& etiam diximus l. 3. p. 2. à n. 612., estque simile,  
si quis solvat indebitum, aut donet Titio extraneo,  
quem putabat esse Cajum cognatum. Similiter talis  
invalidè professus potest secum auferre omnia sibi  
donata ab amicis, aut cum venia Superiorum empta

ex datis sibi eleemosynis, etiam data ab aliis Confratribus, si illi habebant facultatem alienandi in extraneos; nisi forte omnia ista censeretur absolute voluisse comparare Monasterio in dominium, sibi autem in merum usum: non posset tamen secum auferre ea, quæ accepit in communi divisione, v. g. aliquo Fratre mortuo, quia per errorem venit in talem partitionem, ed quod putaretur Frater Ordinis, cum tamen non esset: quod si ipse etiam donasset aliqua Monasterio, ed quod putasset se esse professum, Monasterium teneretur ei restituere, quia omnis donatio & cessio juris, cuius principalis causa est in errore fundata, est involuntaria & irrita: poterit tamen Monasterium repetere compensationem alimentorum, uti habet *Less. cas. 6. n. 15.*, sed hoc videtur intelligendum de alimentis post noviciatum, uti dicitur n. 54.

An simplex Religiosus possit de licentia Superioris recipere alterius professionem, discutit *Diana p. 3. t. 2. R. 70.*, affirmans cum aliis contra *Valerum.* Posse autem Generalem Ordinis, etiam Societatis Iesu, id committere etiam externo, v. g. Episcopo, docet *Iugo l. 4. d. 14.*, Ubi n. 9 additum cum *Shar.* & aliis professionem validè emitti per procuratorem. Denique an invalidè professus teneatur ad castitatem vi voti simplicis inclusi in solenni, dicitur n. 15<sup>8</sup>.

**37** Q. 7. An *Berta* possit Religionem petere *G* profiteri inter virgines, si virgo non sit. R. Quandonam amittatur virginitas, dictum est l. 3. p. 1. n. 917., quo supposito,

§. I. Certum videtur, si virginitas sit amissa tantum per voluntariam pollutionem, Bertam posse inter virgines consecrari & velari; uti cum communis tenent *Caj. Arm. Laym. Sporer* in *Decal.* c.

§. ii

§. in append. post c. 3. n. 5, quia licet coram Deo non sit virgo, nec in cœlo sit habitura corollam virginitatis, retinet tamen tamdiu statum virginitatis coram Ecclesia, quamdiu claustrum non violatur ab extrinseco, hinc qui tales vi violaret, censetur esse stuprator.

§. II. Si amiserit virginitatem per copulam, docet *Suar. T. 4. tr. 9. l. 1. c. II. n. 2. 8.* & seqq. non peccare petendo admissionem inter virgines, nisi forte essent speciales Constitutiones alicujus Ordinis, per quas excluderetur non virgo etiam occulta, Ratio est, quia viduæ vel non virgines nullo jure prohibentur admitti, potestque talis occultè corrupta se gerere pro tali, qualis in estimatione communis habetur: si tamen esset publicè infamis, pro illa essent alia Monasteria.

§. III. Si Caja sciat hunc occultum defectum 39  
Bertæ, non tenetur huic negare suum suffragium pro admissione, quia non ideo notabile damnum orietur Monasterio, & prævalet tum utilitas tum fama Bertæ: si tamen Cajæ occurrerent graves rationes in contrarium, deberet petere loqui Bertæ privatim eique dissuadere, *Less. in auct. v. Monialis*, cas. 3.

§. IV. Si res maneat occulta, Berta potest acceptare velum professionis & consecrationis, uti virgines solent, *Less. v. Consecratio*, cas. 3. Putant quidem *S. Th. Caj. Palud. Nav. Silv. Sa.* & alii fore mendacium, si in consecrationis formula dicatur virgo: addit *Sporer* n. 6. esse gravem indecentiam, si Sacramentalibus, quale quid censetur consecratio virginis, uti & benedictio salis vel aquæ, supponatur aliquid falsum, sicuti hic videtur fieri, sed *Suar. n. 9.* probabiliter dicit hic nihil fore mendacii vel falsi, quod etiam probabile esse fatetur *Sporer*,

quia unusquisque censetur loqui in eo foro, in quo operatur, ergo cum sit virgo in foro externo, poterit publicè & in actu fori externi nominari talis; neque jura imponunt hanc pœnam privationis velut impedimentum, sed tantum præcipiunt Prælatis, ne consecrant fœminam corruptam, ergo quando res est occulta, potest exterius se gerere talem, qualis in communione opinione habetur: & ex eodem fundamento docet cum aliis *Diana* in comp. v. Legatum n. 21., si quid legatum sit virginibus, posse tutâ conscientiâ acceptari & retineri ab ea, quæ habetur virgo, licet sit corrupta, quamvis *Beja* p. I. cas. 41. doceat, si legatum sit sub conditione, si castè vixerit, non posse retinere, quamvis secretò tantum esset luxuriosa, sed videri possunt dicta l. 3. p. 2.n.604.

41. §. V. Quamvis Superior & Conventus admittendo Bertam ad professionem fuerint ita constituti, ut si scivissent non esse virginem, non admisissent, si tamen ea conditio non sit addita, ut addi non solet nec debet, professio est valida, quia ista comparatio animi habet se per accidens, nec impedit admissionem absolutam, *Leff.* suprà.

42. §. VI. Quamvis aliqui putent ejusmodi corruptam esse inhabilem ad officia v. g. Abbatissæ vel Priorissæ, probabilius tamen est contrarium cum *Suar.* t. 4. tr. 8. l. 2. c. 6. n. 16. *Sanch.* in Dec. l. 5. c. 5. n. 22. *Castrop.* t. 16. d. 2. p. 8. 11. 13., & idem de viuis docent multi cum *Diana* p. 3. t. 2. R. 99., quia jura, quæ videntur contraria, tantum loquuntur de illis Abbatissis, quæ consecrari debent formulâ solis virginibus propriâ; quamvis & de occultè corruptis possint intelligi ea, quæ dicta sunt n. 40.

43. Q. 8. Quid dicendum sit de illo, qui cogit aliquem ad Religionem, vel ab ea impedit; item qui cogit ad renunciandum bonis suis priusquam ingredia-

greditatur, vel exhibet, quia ingressus est.  
R. seqq.

§. I. Cogens aliquem ad Religionem peccat mortaliter, quia quis habet ius liberè sibi eligendi statum vitæ, ergo qui agit contra hoc ius, est injurius, & quidem in re gravi, ergo peccat mortaliter. Et Trid. quidem Ses. 25. c. 17. de Regul., ut coactionem impediret ac magis consuleret libertati virginum Deo dicandarum, decernit, ut nulla puella professionem emitat, priusquam Episcopus vel ejus Vicarius à Præfecta Monasterii monitus exploret ejus voluntatem, intentionem & aptitudinem.

§. II. Qui aliquam cogit ad Monasterium, incurrit excommunicationem, uti habet Trid. c. 18. anathemati sancta Synodus subjicit omnes & singulas personas cuiuscumque qualitatis vel conditionis fuerint, si quomodocumque coegerint aliquam virginem vel viduam aut aliam quamcumque mulierem invitam, præterquam in casibus in iure expressis, ad ingrediendum Monasterium, qui que consilium, auxilium vel favorem dederint, qui que scientes eam non sponte ingredi Monasterium, quoquo modo eidem actui vel præsentiam vel consensum vel auctoritatem interposuerint. Quod Nav. Ledesm. Zerol. Barb. Fill. & alii cum Delbene de Imm. Eccl. c. 8. d. 19. f. 10. extendunt etiam ad parentes, qui filiam puberem cogunt ad solam habitationem in Monasterio, non autem si impuberem, quia illi, quibus incumbit educatio, possunt committere Religiosis usque ad annos pubertatis, uti tenent cum communi Suar. Sanch. Portel Delbene n. 2.

§. III. Qui cogit aliquem ad Monasterium, quavis mortaliter peccat, secundum dicta n. 43., tamen non incurrit excommunicationem, quia Trid. loquitur tantum de foeminis, nec debet lex odiosa

extendi ad mares: & ratio congruentiae esse potest, quia fœminæ sunt animo imbecilliores & arctius postea includuntur, ergo decuit magis provideri illis, ut omnino solutæ vi ac metu ex sua libertate Religionem eligerent.

46 §. IV. Qui levii metu fœminam impulisset ad Monasterium, non esset excommunicatus, quia non fecisset veram coactionem, uti nec ille censetur facere, qui ad Monasterium adigit eam, quæ prius vorvisset vel jurasset ingredi, tum enim justè attinetur ad explendam suam obligationem, *Suar. Sanch. Leand. & alii.* Addit *Delbene* n. 6. cum *Ricc. Portel, Villal.* etiam non excommunicari parentes, qui metu reverentiali aut precibus importunis filiam impellunt in Monasterium, eò quod non sit propriè coactio; uti nec per hoc cogit, si filiam scribat hæredem, cum pacto ut ingrediatur, alioquin habeat solam legitimam; & ita declarasse S. Congregationem testatur *Suar. de Relig. T. 3. l. 5. c. 9.*

47 §. V. Qui impedit aliquem vel aliquam ab ingressu Monasterii, v. g. negando illi dotem, peccat mortaliter, uti habet communissima cum *Sanch. de Matr. l. 4. d. 26. n. 7., & diximus l. 3. p. 2. n. 347.*, quia proles habet jus ingrediendi Religionem, ergo etiam ad dotem ad hoc necessariam. Estque statutum in jure multis locis, teste *Leff.* in disp. de statu vitæ elig. q. 1., ut quivis adeptâ pubertate sit sui juris & liber patriâ potestate quoad ingressum Religionis. An autem ille, qui impedit vel abducit aliquem à Monasterio, peccet contra justitiam, diximus l. 3. p. 2. à n. 347.

48 §. VI. Qui à Religione impedit aliquem, non excommunicatur, sed solum ille, qui impedit aliquam, nam *Trid.* subdit, simili quoque anathemati subjecit eos, qui sanctam virginum vel aliarum mulierum

lierum voluntatem veli accipiendo vel voti emittendi quoquo modo sine justa causa impedierint: putatque *Leff.* q. 8. hoc tenere etiam de illo, qui impedit solo metu reverentiali; notat tamen *Suar.* post n. 9. non fore excommunicatum, si tantum per preces vel promissiones abducatur, quia hoc non est propriè impedire sed tantum persuadere, ut voluntas mutetur vel non habeatur; an autem sic adhuc peccetur mortaliter, diximus l. 3. p. 2. n. 345.

§. VII. Extrahens puellam, etiam invitam, è 49 Monasterio, in quo non intendebat profiteri sed ad solam educationem habitare, non incurrit excommunicationem, *Lugo*, in resp. Mor. l. 3. dub. 7.; an autem peccet, pendet ab intentione & damnis, quæ fortè causat puellæ.

§. VIII. Cogens volentem ingredi Monasterium, ut renunciet bonis suis, peccat mortaliter, quia vult invito eripere jus notabile: est autem talis renunciatio invalida, utpote involuntaria aut saltem à jure reprobata, uti ostendit *Sanch.* in conf. l. 4. c. 1. dub. 34. n. 5.: Si tamen ingressurus Monasterium jurarit se non revocaturum nec usurum beneficio rescindendi, tenebitur stare renunciatione, uti rectè *Sanch.* n. 6. & *Lugo* de just. d. 22. n. 195., potest tamen ei succurriri per dispensationem in juramento, tumque licet repetet omnia sua, *Lugo* suprà, & in resp. Mor. l. 6. d. 24. *Sanch.* de Matr. l. 4. d. 9. *Tamb.* in Dec. l. 5. c. 4. §. 3., & diximus l. 3. p. 2. à n. 732.

§. IX. Non potest filius aut filia ideo exhæredari 51 aut privari legitimâ, quia ingressus est religionem, uti *Leff.* q. II. latè probat, I. ex Jure Civili, Novel. 123. c. 37. 38. 41. Authent. *si qua mulier*, Cod. de SS. Eccles. Authent. *nisi rogati*, Cod. ad S. C. Trebelianum; idemque docent communiter DD. cum Feliño in Cap. *In præsentia*, n. 37. de probationibus.

2. Ex Jure Canonico , Cap. si qua mulier, & Cap. non liceat, 19. q. 3. 3. Ex S. Gregorio l. 7. Epist. 7., item disertissimè ex Salviano l. 3. contra avaritiam. 4. Rationibus manifestis in aperto jure fundatis. Atque ex his sequitur aliquem, qui Religionem init, non ideo posse privari pensione annuâ sibi assignatâ in bonis donantis, uti rectè idem Less. in auct. v. Religiosus cas. I.

Quid dicendum sit, si Bertæ promittantur 100, si nubat, ipsa autem fuit Religiosa, resolvimus l. 3. p. 2. n. 600. Si autem promittantur sub conditione, si non ineat Religionem, resolvimus ibidem n. 1140. Denique si promittantur 200, si nubat, & 100, si fuit Religiosa, resolvimus ibidem n. 1141., quæ videri possunt.

5. Q. 9. Quid notandum sit circa illum, qui dicit se ex metu reverentiali fecisse professionem. R. Quamvis metus reverentialis cum importunis precibus conjunctus pro foro conscientiæ censeatur sufficiens ad rescindendos contractus, uti colligitur ex dictis l. 3. p. 2. n. 632., & docet Less. de statu vita elig. q. 8., tamen in foro externo meritò censetur insufficiens ad irritandam professionem, nisi accesserint minæ, quas minans solitus sit exequi, & tum ex vi talis metus sequatur professio, Sanch. de Matr. l. 4. d. 6. Less. in auct. v. professio Relig. cas. 12., ubi cas. 13. notat, ut talis professio in foro externo declaretur irrita, debere merum illum legitimè probari per testes etiam juratos, uti fit in aliis causis gravibus. Addit quóque rectè Castrop. t. 16. d. 1. p. 9 n. 1. quamvis coactio professionem annullet, relinquit tamen valorem novitiatū, quia iuxta tantum loquuntur de professione, unde si quis coactus iniverit novitiatum, si tamen eo expletō liberè fecerit professionem, est valida. Notat etiam Suar. T. 3. l. 6.

c. 4. referens plures contra Lef. de just. l. 2. c. 41. d.  
7. professionem non invalidari per metum acce-  
ptantis professionem, sed tantum profitentis.

Q. 10. An Monasterium possit novitium ex- § 3  
pletâ probatione sine causa non admittere ad pro-  
fessionem. R. Per hoc non peccari mortaliter do-  
cent aliqui, quia sicuti novitius liber est ad profiten-  
dum vel ad abeundum etiam sine causa, ita videtur  
Religio debere esse libera ad admittendum vel re-  
mittendum, alias non est utrumque par conditio:  
sed oppositum tenendum est cum Lugo de just. d. 9.  
n. 54. aliisque communiter, est enim hoc grave, in-  
primis contra charitatem, quia sine justa causa in-  
fertur novitio grave damnum, eique inuritur gravis  
nota, si dimittatur: deinde tales Religiosi com-  
mittunt gravem defectum in officio sibi demanda-  
to, sunt enim ab Ecclesia constituti Judices, ut pro  
merito vel demerito dicant novitium esse aptum vel  
ineptum Religioni, ergo cum judicent aptum, & ta-  
men rejiciendo, virtualiter dicant esse ineptum, fe-  
runt sententiam iniquam: denique etiam est grave  
contra justitiam, quia novitius per novitiatum be-  
ne expletum acquisivit jus ad professionem, illâ enim  
conditione, & quasi sub hoc contractu subivit no-  
vitiatum, probate me, & postmodum judicate  
pro merito, ut vel profitear vel abeam, & ita cen-  
setur eum admississe Ordo, alioquin nemo vellet no-  
vitiatum ingredi, ergo cum ex parte sua impleve-  
rit contractum permiseritque se probari, Ordo ex  
justitia tenetur reciprocè ad suam partem imple-  
dam.

Q. 11. Si novitius egrediatur vel Religiosus di- § 4  
mittatur, an debeat ipse Ordini aut Ordo ipse ali-  
quid refundere. R.

§. I. Aliqui dicunt novitium teneri Monasterio  
solvere

solvere medium partem omnium expensarum, quia probatio respicit bonum, tam novitii quam Monasterii, mutuo enim se probant, ergo æquum est, ut equaliter ferant expensas. Alii dicunt novitium teneri solvere omnes expensas factas circa victum & vestitum, quia *Trid. Ses. 25. c. 16. de Regul.* dicit, quod novitio reddenda sint omnia, excepto victu & vestitu, ergo Monasterium videtur habere jus ad petendum premium victus & vestitus: Et quidem de vestitu vix erit difficultas, quia prima vestis in plerisque Ordinibus solvit ab ingrediente, debetque ei relinquiri, censuit tamen *S. Congregatio non ipsum vestitum Religiosum esse exeundi restituendum, sed premium illius, uti refert Barb. de potest. Episc. alleg. 101. n. 39.* Quoad victum, videtur esse distingendum, nam si de hoc non sit antecedenter contractum, nec novitius sciverit de consuetudine solvendi victum, dicendum est cum *Swar. T. 3. l. 5. c. II. n. 5. Sanch. in Decal. l. 6. c. 10. n. 4.* *Lugo de just. d. 9. à n. 61. Castrop. t. 16. d. 1. p. 10. n. 2.* nihil teneri dare ratione victus, quia inter ingredientem & Monasterium sit saltem tacite hic contractus, ut novitius alatur à Monasterio, & è contrà se probari permittat, illud autem, quod interim lucrabitur, cedat Monasterio. Quod si quis ingressus esset, non animo probandi, sed cogitans redire ad sacerdotium, ex justitia teneretur solvere victum & omnes expensas ratione sui factas, quia commisisset dolum, nec Religio consentit in ulla expensas, nisi intuitu probationis sincere & seriò instituendæ.

55     §. II. Si quis in noviciatu decedat, *Barb. n. 40.* refert decisum esse, quod dos, si jam Monasterio sit soluta, restitui debeat hæredibus cum omnibus fructibus. Vide dicenda n. 99.

56     §. III. Si quis etiam ex justa causa dimittatur à  
Socie-

Socierate J E S U , non est obligatio ei restituendi illa, quæ Societati donavit , uti habet communis cum Suar. *Sanch* in Dec. l. 7. c. 1. à n. 34. *Lugo* in resp. Mor. l. 4. d. 45. , quia quamvis *Trid.* suprà statuat donationes omnes intuitu Religionis factas esse irritas non secutâ professione, tamen addit , decreto illo nihil immutari in Instituto Societatis, quod in Exam. c. 4 § 1. dicit hanc renunciationem bonorum fieri debere, *à se omnem fiduciam submovendo eadem ullo tempore recuperandi*, quod non fieret, si esset spes recuperandi post dimissionem : Si tamen dimissus, sic egenus nec aliunde habeat, tenetur Societas præstare alimenta pro rata fructuum rei donatæ , alioquin posset revocare donationem ratione ingratitudinis , *Sanch.* n. 39. Sed oritur hic quæstio, an si Societas tali dimisso reddere vellet bona immobilia aut mobilia pretiosa, opus esset facultate Sedis Apostolicæ vel Generalis ; negarunt aliqui, & favet Suar. suprà, quia ordinationes dicunt restitui posse partem vel totum, pro arbitrio Superioris, ergo Societas non videtur firmiter acceptasse eorum bonorum dominium ; Idem videtur tenere *Castrop.* d. 3. p. 18. n. 2. , dicens illam redditionem non censi alienationem bonorum Ecclesiasticorum, eò quod à principio eâ conditione accepta fuerint, ut posset Societas, si expedire judicaverit, ea reddere : contradicit *Lugo* , quia donans non videtur sibi ullum jus retinuisse , & consequenter Societas acquisivit plenum dominium , quamvis etiam retinuerit potestatem reddendi , si vellet, hæc enim stat, imò est quædam pars perfecti dominii , ergo Societas non potest hoc plenum dominium dimittore sine auctoritate speciali secundùm dicenda à n. 1363.

DU-